

2727
3415

U SARAJEVU


21. 09. 2020

01-04-4-42217

**KLINIČKI
CENTAR
UNIVERZITETA
SARAJEVO**

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r predsjedavajući dr. Mirza Čelik**

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO ZDRAVSTVA
n/r v.d. ministar Draško Jeličić, dipl.ecc**



Poštovani,

shodno zaključku br.5 Skupštine KS održanoj dana 25.08.2020.godine, koji se tiče stavljanja u funkciju Klinike za infektivne bolesti za potrebe hospitalizacije pacijenata sa Covid-19,u prilogu Vam dostavljamo:

- Odgovor šefa klinike za infektivne bolesti (dopis broj: 02-04-4-40851 od 11.09.2020.godine)
- Izvještaj o radu Izolatorija Podhrastovi te mjerama koje je Krizni štab KCUS-a poduzeo tokom pandemije Covid-19 (dopis broj:10-33-4-40407 od 09.09.2020.godine)

Također Vas obavještavamo da je Dokument „Pružanje zdravstvenih usluga od primarnog do tercijarnog nivoa zdravstvene zaštite“ potpisan dana 18.05.2020.godine (broj:10-04-7202/20 od 18.05.2020.godine) čija je implementacija predviđena u roku od 60 dana, istekao.

Prim.dr Bosanko Horozić, član Komisije je 03.09.2020 g. uputio zahtjev dr Aidi Pilav za održavanje evaluacionog sastanka Komisije za izradu dokumenta kojim je definisan način pružanja zdravstvenih usluga od primarnog, sekundarnog do tercijarnog nivoa zdravstvene zaštite u KS. Potrebno je izmijeniti i reevaluirati potpisani dokument obzirom da je KCUS u proteklom periodu pružio veliki broj usluga sekundarnog nivoa kako kroz ambulantno poliklinički tako i kroz hospitalni dio ali i kroz Kliniku urgentne medicine.

Evidentno da je u praksi nemoguće striktno odvojiti sekundarni od tercijarnog nivoa ZZ kako je definirano Dokumentom, te je isti potrebno dopuniti i izmjeniti.

KCUS će naravno i dalje nastaviti pružati usluge sekundarnog i tercijarnog nivoa kao i do sada.

- kabinet
- DSND
- a/a



**GENERALNA I
Prof.dr. Sebi**

**DRICA KCUS
ivić**

Datum: 09.09.2020.godine
Broj: 10-33-4-40407

KABINET GENERALNE DIREKTORICE

Izveštaj o radu Izolatorija Podhrastovi te mjerema koje je Krizni štab KCUS-a poduzeo tokom pandemije virusom Covid 19

Krizni štab je uspostavljen krajem januara, a pripreme su počele još i ranije.

Od uspostavljanja do danas Krizni štab je u permanentnom zasjedanju, kako bi na vrijeme prepoznali i spriječili prijetnje koje sa sobom nosi pandemija Covid-19 virusa.

IZOLATORIJ PODHRASTOVI

Izvršena je prenamjene Klinike za plućne bolesti Podhrastovi u Izolatorij.

Za lakši transfer pacijenata izgrađen je novi prilaz Izolatoriju. Pripremljene su prostorije za instaliranje RTG i laboratorijske opreme, uveden centralni kisik i zrak u bolesnicke sobe koje ga nisu imale. Za potrebe najtežih pacijenata opremljen je odjel Intenzivne terapije pocev od namjeskih kreveta pa do sve potrebne opreme.

Ostale prostorije su kontinuirano prilagođavane za boravak medicinskog i drugog osoblja . Instaliran je na ulazu i dezinfekcioni tunel.

U Izolatoriju je instalirana sva potrebna laboratorijska oprema, RTG aparat kao i potpuno nov najmoderniji CT aparat koji su neprekidno u funkciji. Poseban izazov je naravno bilo u jeku pandemije instaliranje najmodernijeg CT aparata.

Rad u Izolatoriju je organiziran na osnovu najnovijih uputa i smjernica datih od relevantnih svjetskih autoriteta, poput SZO...

Izolatorijem rukovode infektolozi i anesteziolozi. Izolatorij na Podhrastovima je intergralni dio Klinike za infektivne bolesti.

U radu Izolatorija participiraju i sve druge specijalnosti shodno potrebama pacijenata. Sastavni dio timovima su internisti intenzivisti, specijalisti drugih grana interne medicine i pulmolozi. Oni čine okosnicu tima, dok sve druge specijalnosti uglavnom pružaju potrebnu potporu. Odjel Intenzivne njege je neprestano pod nadzorom anesteziologa, te je opremljen za liječenje najtežih bolesnika.

Sa povećanjem priliva pacijenata povećevan je broj zdravstvenih radnika koj su bili na raspolaganju bolesnicima i raspodjeli ih u timove, koji rade 24 sata 7 dana u sedmici. Trenutno se o pacijentima brine tim od 42 zdravstvena radnika u jednoj dvanaestosatnoj smjeni. Tokom jednog dana, 24 sata, u izolatoriju radi 84 zdravstvena radnika.

Ukupni kapacitet Izolatorija je 100 kreveta. Opremljen je za prijem i tretman najtežih pacijenata sa respiratornim tegobama. Sobe se neprestano prilagođavaju stanju pacijenata (pacijenti sa teškom kliničkom slikom ne dijele sobu sa drugim pacijentom)

Zaključno sa 31. augustom u Izolatoriju

Ukupno primljeno:	504 pacijenata
Ukupno primljeno u jedinicu intenzivne njege:	89 pacijenata
od toga na invanzivnoj ventilaciji:	31 pacijent
Umrlih:	78 pacijenata
od toga umrlih na odjelu intenzivne njege:	48 pacijenata

Izvršeno je:

58857 laboratorijskih nalaza
483 CT pluća
523 PCR na Covid-19 za pacijente u isopatoriju
1000 RTG pluća

IZOLATORIJ U PROSOTRIJAMA GRAĐEVINSKOG FAKULTETA

KŠ je bio angažiran i pri uspostavljanju Izolatorija na Građevinskom fakultetu, po naredbi Kantonalnog kriznog štaba, a za potrebe tretmana lakših pacijenata, koji nemaju porebu za kontinuiranom kiseoničkom potporom.

U suradnji sa Kriznim štabom KS, Civilnom zaštitom, te Općinom Centar u roku od 48 sati, od naredbe objekat građevinskog fakulteta sa prilazom je prilagođen za prijem preko 200 pacijenata. KCUS je za ovaj Izolatorij izdvojio laboratorijsku opremu, RTG aparat, obezbijedio potreban stručan kadar, 120 radnika uposlenica KCUSa za čišćenje, dezinfekciju i opremanje prostorija za prijem pacijenata.

TRIAŽNI PUNKTOVI

su uspostavljeni na lokacijama u krugu KCUS-a, na klinikama na Jezeru, pedijatriji, ginekologiji, dječijoj hirurgiji, opremljeni informacionim sistemom, bezkontaktnim termometrima, te potrebnim kadrom. Trijažne punktove „opslužuje“ 60 do 70 zdravstvenih radnika.

Za pacijente oboljele od malignih oboljenja, hematoloških oboljenja, te za pacijente koji su na dijalizi, obezbjeđeni su posebne trijažni punktovi, kako sveli na minimum mogućnost zaraze ovih posebno osjetljivih grupa tokom trijaže.

OBSERVACIONI PUNKT

je najprije osposobljen na Klinici za dermatologiju, za sve pacijente koji trebaju hitnu kliničku evaluaciju, ali istovremeno postoje i indicije da su potivini na Covid-19. Ovdje pacijenti

dobivaju svu potrebnu medicinsku njegu i izolovani su dok se ne utvrdi da li su pozitivni na Covid ili ne. Nakon rezultata testiranja, negativne pacijente upućujemo na nastavak tretmana na odgovarajuće klinike, a pozitivne u izolacione sobe, koje su oformljene pri svakoj klinici ili u Izolatorij Podhrastovi ako je procijenjeno da je pacijent dominantno respiratorno ugrožen. Trenutno dnevna bolnica za observaciju funkcioniра u sklopu Izolatorija Podhrastovi, i na raspolaganju je svim zdravstvenim ustanovama u Kantonu Sarajevo.

Sve zdravstvene ustanove, uključujući i Opću bolnicu, svaki dan, u ovaj punkt upućuju pacijente za koje sumnjaju da su pozitivni na Covid-19, a pri tome imaju naglašene druge bolesti.

OSTALI PRIJEMI

Sve ostali pacijenti koji su zahtijevali hitan tretman tercijernog nivo, su primani u skladu sa naređenjima Kantonalnog kriznog štaba.

NABAVKA OPREME I UNAPREĐENJE PROTOKOLA

Kontinuirano, od pocetka pandemije do danas, KŠ aktivno radi na nabavci zaštitne opreme i unapređenju svih protokla za liječenje pacijenata na osnovu najnovijih svjetskih saznanja i smjernica.

Koordinator Kriznog štaba KCUS-a

Prim dr Rosanka Horazić



Datum: 11.09.2020.godine

Broj: 01-04-4-40851

KABINET GENERALNE DIREKTORICE

Referirajući se na pitanje Skupštine KS koje se tiče stavljanja u funkciju Klinike za infektivne bolesti za potrebe hospitalizacije pacijenata sa COVID19, izjavljujemo slijedeće:

1. Izolatorij „Podhrastovi“, kapaciteta do 100 postelja, dio je Klinike za infektivne bolesti, i administrativno i kadrovski, gdje se smještaju i liječe svi pacijenti sa COVID19 iz Kantona Sarajevo, Bosansko-Podrinjskog Kantona, a primali smo i pacijente iz Srednje-Bosanskog i Unsko-Sanskog Kantona. Ovo je zahtjevalo angažman osoblja na dvije odvojene lokacije u punom radnom kapacitetu.
2. Izolatorijem rukovode infektolozi i anesteziolozi. Izolatorij na Podhrastovima je integralni dio Klinike za infektivne bolesti. U radu Izolatorija participiraju i sve druge specijalnosti shodno potrebama pacijenata. Sastavni dio timovima su internisti intenzivisti, specijalisti drugih grana interne medicine i pulmolozi. Oni čine okosnicu tima, dok sve druge specijalnosti uglavnom pružaju potrebnu potporu. Odjel Intenzivne njege je neprestano pod nadzorom anesteziologa, te je opremljen za liječenje najtežih bolesnika. Trenutno se o pacijentima brine tim od 42 zdravstvena radnika u jednoj dvanaestosatnoj smjeni. Tokom jednog dana, 24 sata, u izololatoriju radi 84 zdravstvena radnika.
3. Sa povećanjem priliva pacijenata povećevan je broj zdravstvenih radnika koj su bili na raspolaganju bolesnicima i raspodjeli ih u timove, koji rade 24 sata 7 dana u sedmici.
4. Trenutno se o pacijentima brine tim od 42 zdravstvena radnika u jednoj dvanaestosatnoj smjeni. Tokom jednog dana, 24 sata, u izololatoriju radi 84 zdravstvena radnika.
5. Iz gore navedenog, jednu Kliniku ne čini samo zgrada i lokacija, nego je čine ljudski resurski i medicinska oprema koja je neophodna za adekvatan tretman. I jedno i drugo je tokom pandemije angažovano i iznad svih svojih mogućnosti i normativa.
6. Po pitanju slobodnih posteljnih kapaciteta, dio Klinike za infektivne bolesti je do početka avgusta koristila Klinika za plućne bolesti i TBC, i to za visokokontagiozne pacijente.
7. Ostali raspoloživi kapaciteti Klinike za infektivne bolesti su svo vrijeme popunjeni i do 80% sa pacijentima koji su oboljeli od akutnih i hroničnih zaraznih oboljenja (HIV, hepatitis, bruceloza, meningitis, encefalitis, sepsa, salmoneloza...) a koje niti jedna druga ustanova u Kantonu Sarajevu ne hospitalizira i ne tretira. U isto vrijeme pacijenti sa navedenim dijagnozama koji dolaze i iz većine kantona FBiH (USK, SBK, BPK, ZDK) se isto tako primaju na tretman u Kliniku za infektivne bolesti KCUS.
8. Dio hospitalnih kapaciteta Klinike za infektivne bolesti je predviđen za tretman pacijenata koji kliničkom i radiološkom slikom u potpunosti odgovaraju COVID19 pacijentima, ali su PCR negativni i zahtjevaju izolaciju i terapiju.
9. U dosadašnjem toku suzbijanja pandemije i tretmana pacijenata sa COVID19, osoblje Klinike za infektivne bolesti je moralo uložiti dodatne napore jer je više od 20% osoblja bilo SARS COV2 pozitivno.
10. Neophodno je shvatiti da Izolatorij „Podhrastovi“ nije dio Klinike za plućne bolesti i TBC, nego pripada Klinici za infektivne bolesti.

Iz gore navedenog jasno je da je nemoguće dodatno angažirati kapacitete i osoblje Klinike za infektivne bolesti, a što je jedan od zaključaka Skupštine KS.

Zahtjevati gore navedeno a ne raspolagati adekvatnim informacijama smatramo krajnje tendencioznim, naročito kada se zna da su i druge ustanove u KS na ime sprečavanja širenja Corona virusa dobili značajna finansijska i materijalna sredstva (npr CT aparat je dobila OB „Prim dr Abdulah Nakaš“, uz drugu medicinsku opremu koja je djeljena i ostalim Zdravstvenim institucijama KS), a do sada nisu isto opravdali jer su hospitalizirali zanemariv broj pacijenata -ispod 1% od ukupnog broja hospitaliziranih u KS do sada. Svi ostali pacijenti hospitalizirani su u sklopu Klinike za infektivne bolesti- Izolatorij „Podhrastovi“.

Doc.dr. |
Šef Klinički

Prim.dr Bosanko Horozic

Prim.dr Nermina Bajramovic
Od